

## К ОПУБЛИКОВАНИЮ

### КОМИ РЕСПУБЛИКАСА МЕДВЫЛЫС ЁРД

«Коми Республикаын бөрйысьомьяс да референдумьяс йылысь» Коми Республикаса Оланпасё вежсьомьяс пыртём йылысь» 2016 во вольгым төлысь 29 лунся 120-РЗ №-а Коми Республикаса Оланпасын 1 статьяса 5 юкөн да 2 статья примитан кадсянь, 2016 вося вольгым төлысь 29 лунсянь «Коми Республикаын бөрйысьомьяс да референдумьяс йылысь» 2010 во коч төлысь 27 лунся 88-РЗ №-а Коми Республикаса Оланпаслөн 88 статьяса 1 юкөн (2016 во вольгым төлысь 29 лунся 120-РЗ №-а Коми Республикаса Оланпаслөн редакцияын) вынтёмön лыддьом йылысь, выль нормативной инода акт быть примитны кывкутана мог сетём йылысь Виктор Викторovich Воробьёвлөн административной искөвöй шыödчөм серти За-255/2020 №-а административной делö серти Коми Республикаса Медвылыс Ёрдлөн помшүом<sup>17</sup>

Коми Республикаса Медвылыс ёрд,

көнi веськөдлысьнас вöли ёрдысь А.В. Кондратюк,

секретарнас А.Е. Розова,

көнi участвуйтiс прокурор А.В. Юдин,

видлалiс ёрдлөн восьса заседание дырйи, мый мунiс 2020 вося öшым төлысь 18 лунö Коми Республикаса Сыктывкарын, «Коми Республикаын бөрйысьомьяс да референдумьяс йылысь» Коми Республикаса Оланпасё вежсьомьяс пыртём йылысь» 2016 во вольгым төлысь 29 лунся 120-РЗ №-а Коми Республикаса Оланпасын 1 статьяса 5 юкөн да 2 статья примитан кадсянь, 2016 вося вольгым төлысь 29 лунсянь «Коми Республикаын бөрйысьомьяс да референдумьяс йылысь» 2010 во коч төлысь 27 лунся 88-РЗ №-а Коми Республикаса Оланпаслөн 88 статьяса 1 юкөн (2016 во вольгым төлысь 29 лунся 120-РЗ №-а Коми Республикаса Оланпаслөн редакцияын) вынтёмön лыддьом йылысь, выль нормативной инода акт быть примитны кывкутана мог сетём йылысь Виктор Викторovich Воробьёвлөн административной искөвöй шыödчөм серти административной делö видлалём бöрын

пасйис:

2010 вося коч төлысь 23 лунö Коми Республикаса Каналан Сöвет примитöма да 2010 вося коч төлысь 27 лунö Коми Республикаса юралысь кырымалöма «Коми Республикаын бөрйысьомьяс да референдумьяс йылысь» 88-РЗ №-а Коми Республикаса Оланпас. Тайö оланпассö официальной публикуйтöма «Коми Республикаса канму власьт органьяслөн индöд-тшöктöмьяс» изданиеын, 2010 вося коч төлысь 29 лунö 36 №, 839 ст.; «Республика» газетын, 180-181 №, 2010 вося йирым төлысь 2 лунö.

Тайо Оланпаслөн 88 статьяса 1 юкөнөн (2011 во 12.07 лунся 148-РЗ №-а, 2014 во 12.26 лунся 169-РЗ №-а, 2015 во 04.27 лунся 32-РЗ №-а, 2015 во 12.28 лунся 137-РЗ №-а КР Оланпасьяслөн редакцияын) вöлі урчитöма, мый сэк, кор Коми Республикалөн Каналан Сöветса депутатлысь, муниципальной юкөнлөн бöрйöм органса депутатлысь, кодöс бöрйöма кандидатьяслөн списокөн, уджмогьяссö дугöдöны кадысь водз, бöрйысян öтувлөн уполномочитöм коллегиальной пыр уджалысь юрнуöдысь орган, кöни кандидатьяслөн списокөн тайö депутатсö вöлі бöрйöма, вермö вöзйыны лöсялана бöрйысян комиссияö (Коми Республикаса бöрйысян комиссияö либö муниципальной юкөнса бöрйысян комиссияö) кандидатьяслөн сійö жö списокысь прöст депутатскöй мандат серти уджалöм могысь мöд пасйöм кандидатлысь кандидатурасö. Та дырйи индöм кандидатурасö вöзйöны пасйöм кандидатьяслөн лыдысь, кодьясöс пыртöма кандидатьяслөн сійö жö мутас группаö (кандидатьяслөн списокын ставреспубликаса (ставмуниципалитетса) юкөнö), кытчö вöлі пыртöма депутатсö, кодлысь уджмогьяссö дугöдöма кадысь водз.

Сэк, кор кандидатьяслөн лöсялана мутас группыын (кандидатьяслөн списокын ставреспубликаса (ставмуниципалитетса) юкөнын) пасйöм кандидатьясыс эз кольны либö колысны сöмын пасйöм кандидатьяс, кодьяс гижöмөн юöртисны бöрйысян öтувлөн уполномочитöм коллегиальной пыр уджалысь юрнуöдысь органö тайö прöст депутатскöй мандат серти уджавны асланыс öткажитчöм йылысь, бöрйысян öтувлөн индöм орган вермö вöзйыны пасйöм кандидатлысь кандидатурасö кандидатьяслөн мöд мутас группыысь (кандидатьяслөн списокын ставреспубликаса (ставмуниципалитетса) юкөнысь).

Коми Республикаса Каналан Сöвет 2016 вося вöльгым тöлысь 23 лунö примитöма да 2016 вося вöльгым тöлысь 29 лунö Коми Республикаса юралысь кырымалöма «Коми Республикаын бöрйысьöмьяс да референдумьяс йылысь» Коми Республикаса Оланпасö вежсьöмьяс пыртöм йылысь» 120-РЗ №-а Коми Республикаса Оланпас, кöни 1 статьяса 5 юкөнөн Коми Республикаса 88-РЗ №-а индöм Оланпасö пыртöма татшöм вежсьöмьяс: 88 статьяын 1 юкөнса мöд абзацын «мöд» кыв вежöма «кöть кутшöм мöд» кывьясөн; 88 статьяса 1 юкөнö содтöма татшöм сюрöса коймöд абзац:

«Бöрйысян öтувлөн уполномочитöм коллегиальной пыр уджалысь юрнуöдысь орган вермö вешйыны прöст депутатскöй мандатö кандидатура вöзьян дорывлунысь, кутшöмöс урчитöма тайö юкөнса медводдза абзацөн, сійö лоöмторьяссö тöд вылö босьтöмөн, кутшöмьяс артмысны (воссисны) бöрйысьöмьяс дырйи гөлöсуйтöм бöрын, кутшöмьяс вермысны тöдчыны торья мортöс кандидатьяслөн сыөн вöзйöм списокын депутатö вöзйöм йылысь бöрйысян öтувөн примитöм помшүöмьяс вылö. Сэки прöст

депутатскöй мандат серти уджавны кандидатура вöзйöм йылысь бöрйысян öтувлöн уполномочитöм коллегиальнöй пыр уджалысь юрнуöдысь органлöн помшуйöмын колö индыны торъя лоöмторъяссö, мый лоисны урчитöм дорвывлунö кутчысьöм вылö подулöн.».

120-РЗ №-а Коми Республикаса тайö Оланпаслöн 2 статьяөн урчитöма, мый сийö вынсялö сийöс официальной публикуйтан лунсянь.

120-РЗ №-а Коми Республикаса индöм Оланпассö 2016 вося вöльгым тöлысь 29 лунö йöзöдöма <http://www.law.rkomi.ru> «Коми Республикаса канму власьт органьясөн примитöм инöда актьяс, мукöд официальной юөр лыддьöг» сетевöй изданиеын, 2016 вося öшым тöлысь 2 лунö <http://www.pravo.gov.ru> инöда юөрлөн официальной öтуввез-порталын, да официальной публикуйтöма 2016 вося öшым тöлысь 6 лунö 20 №, 301 ст. «Коми Республикаса канму власьт органьяслöн индöд-тшöктöмьяс» изданиеын.

В.В. Воробьёв шыöдчис ёрдö «Öтуввез» юөртан да телекоммуникация вез отсöгөн «Коми Республикаын бöрйысьöмьяс да референдумьяс йылысь» Коми Республикаса Оланпасö вежсьöмьяс пыртöм йылысь» 2016 во вöльгым тöлысь 29 лунся 120-РЗ №-а Коми Республикаса Оланпаслöн 1 статьяса 5 юкөн да 2 статья примитан кадсянь, 2016 вося вöльгым тöлысь 29 лунсянь «Коми Республикаын бöрйысьöмьяс да референдумьяс йылысь» 2010 во кöч тöлысь 27 лунся 88-РЗ №-а Коми Республикаса Оланпасын 88 статьяса 1 юкөн (2016 во вöльгым тöлысь 29 лунся 120-РЗ №-а Коми Республикаса Оланпаслöн редакцияын) вынтöмөн лыддьöм йылысь, выль нормативнöй инöда акт быть примитны кывкутана мог сетöм йылысь административнöй искöвöй шыöдчöмөн. Индöм корöмьяссö подулалöм могысь административнöй истец индöма, мый сийö лоö Коми Республикалөн VII-ысь бöрйöм Каналан Сöветса депутатö пасйöм кандидатөн кандидатьяслөн списокын (Эжваса 4 №-а мутас группа), кодöс öтувья бöрйысян кытшын вöзйöма «Россия Федерацияса коммунистическöй партия» кансяма ютырлөн Коми республиканскöй юкөн. Административнöй истецлөн видзöдлас серти, вензяна нормаясыс оз лöсявны «Россия Федерацияса гражданалөн бöрйысян инöдыяс да найөн референдумын участвуйтöм вылö инöд серти подув гарантияс йылысь» 2002 во 06.12 лунся 67-ФЗ №-а Федеральной оланпасын 5, 6 да 39 статьяяслы, 71 статьяса 15 пунктлы, сы вöсна мый сетöны позянлун вешйыны кандидатьяслөн мутас списокьяс костын депутатскöй мандатьяс юклан дорвывлунунысь, мый подуласьö бöрйысьысьяслөн кöсйöм вылö, мый вöсна административнöй истецлы збыльвылас да инöд боксянь тайö лоö гөгöрвотöмөн. Таысь кындзи, чайтö, мый торкöма 2016 во вöльгым тöлысь 29 лунся 120-РЗ №-а Коми Республикаса индöм Оланпас примитан пöрадоксö, торйөн кö, сийöс вынсьöдан да публикуйтан правилöяссö сы вöсна, мый тайö Оланпаслöн 2 статьяөн урчитöма сылысь вынсялöмсö официальной

публикуйтан лунсянь, мый оз лөсяв «Россия Федерацияса субъектыслөн оланпас пыртысь (бөрйөм) да олөмө пörтысь канму власьт органьяс котыртан öтувья принципьяс йылысь» 1999 во йирым төлысь 6 лунся 184-ФЗ №-а Федеральнöй оланпаслөн 8 статьяса 5 пунктлы, «Коми Республикаса оланпасьяс да Коми Республикаын примитан мукöд инöда акт публикуйтан да вынсялан пöрадок йылысь, а сiдзжö официальнойя публикуйтны колана материальяс публикуйтан пöрадок йылысь» 2002 во вöльгым төлысь 4 лунся 101-РЗ №-а Коми Республикаса Оланпасын 2 статьяса 3 юкөнлы, кутшöмьяс серти, административнöй истецлөн видзöдлас серти, Коми Республикаса Оланпасьяс вынсялöны найöс официальнойя публикуйтöм бöрын сöмын дас лун кольöм мысти.

Административнöй истец В.В. Воробьёв да сийöс петкöдлысь А.В. Никулин ёрд заседание дырйи эз вöвны, ёрдын видлалан кадпас, кад да ин йылысь юөртöма колана ногөн.

Ёрд заседание дырйи административнöй öтветчикöс Коми Республикаса Каналан Сöветöс петкöдлысь Е.А. Дончевская сувтiс индöм корöмьяссö могмöдöмлы паныд, гижöм паныд видзöдласьясын индöм доводьяссö ошкöмөн корис öткажитны административнöй иск могмöдöмын, кутшöмьяс серти Коми Республикаса Оланпаслөн вензяна юкөньясыс тырвийö лöсялöны ыджыдджык юридическöй вына нормативнöй инöда актьяслы, найöс примитöма Коми Республикаса Каналан Сöветлөн урчитöм уджмогьяс серти, публикуйтöма оланпасөн урчитöм пöрадокын да найö оз торкавны административнöй истецлысь инöдьяссö да оланпас серти интересьяссö.

Ёрд заседание дырйи Коми Республикаса Юралысьлысь да Коми Республикаса бөрйысян комиссияысь колана йöзöс петкöдлысь Т.В. Тимофеева, Коми Республикаса Юралысьлысь колана мортöс петкöдлысь И.Н. Кипрушева административнöй искөн эз лоны сöгласöсь, административнöй öтветчиклысь видзöдлассö ошкöмөн корисны öткажитны сийöс могмöдöмын.

Колана морт - «Россия Федерацияса коммунистическöй партия» кансяма ютырлөн Коми республиканскöй юкөн, кодлы делö видлалан кад да ин йылысь колана ногөн юөртöма, ёрд заседаниеын участвуйтöм могысь ассыс петкöдлысьöс эз ысты.

Россия Федерацияса административнöй судопроизводство кодекслөн 150, 213 статьяс серти делöсö видлалöма йöзлөн локтöг.

Административнöй öтветчикöс Коми Республикаса Каналан Сöветöс петкöдлысь Е.А. Дончевскаяöс, Коми Республикаса Юралысьлысь да Коми Республикаса бөрйысян комиссияысь колана йöзöс петкöдлысь Т.В. Тимофееваöс, Коми Республикаса Юралысьлысь колана мортöс петкöдлысь И.Н. Кипрушеваöс кывзöм бöрын, делö серти материальяс туялöм да

донъялём бёрын, прокурор А.В. Юдинлысь кывкёртөд кывзём бёрын, кодї чайтіс, мый административной искөвöй шыөдчөмсö могмөдны оз ков, ёрд воис татшөмторйö.

Россия Федерацияса Оланподулын 72 статьялөн 1 юкөнса «н» пункт серти канму власьт да меставывса асвеськөдлан органьяслысь система котыртан öтувья принципьяс урчитөм лоö Россия Федерациялөн да Россия Федерацияса субъектьяслөн öтув веськөдланторйөн.

Россия Федерацияса Оланподув (71, 72, 73 да 76 статьяс) Россия Федерациялысь да сылөн субъектьяслысь веськөдланторьяссö, уджмогьяссö да компетенциясö торйөдөмөн урчитö сійөс, кутшөм юалөмьяс серти Россия Федерацияса субъектьяс вермөны лэдзны ассыныс оланпасьяс.

Бөрйөм да олөмö пöртысь канму власьт органьяс котыртан öтувья принципьяссö урчитөма федеральной оланпасөн (Россия Федерацияса Оланподувлөн 77 статьяса 1 юкөн). Канму власьт органьясса система котыртан öтувья принципьяссö сідзжö урчитөма федеральной оланпасөн, мый серти примитөны Россия Федерацияса субъектьяслысь оланпасьяссö да мукөд нормативной инöда актсö (Россия Федерацияса Оланподулын 72 статьялөн 1 юкөнса «н» пункт да 76 статьяса 2 юкөн). Та вöсна колö, медым Россия Федерацияса субъектын власьт котыртөмыс лөсяліс Россия Федерацияын власьт котыртөмлы, а та вöсна Россия Федерацияса субъектьяслөн оланпас пыртысь (бөрйөм) да олөмö пöртысь канму власьт органьяслысь уджмогьяссö урчитөмыс оз вермы лоны сöмын Россия Федерацияса субъектьяслөн зэв ыджыд инөдөн.

Россия Федерацияса Оланподулын 76 статьялөн 5 юкөнса положениеяс серти Россия Федерацияса субъектьяслөн оланпасьяс да мукөд нормативной инöда акт оз вермыны мунны федеральной оланпасьяслы паныд, кутшөмьясöс примитөма Россия Федерациялөн да Россия Федерацияса субъектьяслөн öтувья веськөдланторьяс серти. Сэк, кор федеральной оланпас да Россия Федерацияын лэдзөм мөд акт костын эм лөсявтөмлун, вынаөн лоö федеральной оланпас.

«Россия Федерацияса субъектьяслөн оланпас пыртысь (бөрйөм) да олөмö пöртысь канму власьт органьяс котыртан öтувья принципьяс йылысь» 1999 во йирым тöлысь 6 лунся 184-ФЗ №-а Федеральной оланпаслөн водзкыв серти Россия Федерацияса субъектьяслысь оланпас пыртысь (бөрйөм) да олөмö пöртысь канму власьт органьясыс котыртсьöны, артмөдсьöны, налөн уджыс, уджмогьясыс да кывкутөмыс, ас костаныс да федеральной канму власьт органьяскөд йитөдьяс кутан пöрадокыс подуласьöны Россия Федерацияса Оланподув вылö да ладмөдсьöны федеральной оланподув оланпасьясөн, тайö Федеральной оланпасөн, мукөд федеральной оланпасөн,

Россия Федерацияса субъектъяслөн оланподувъясөн (подувпуктасъясөн), оланпасъясөн да мукöд нормативнöй инöда актөн.

Коми Республикаса Оланподувлөн 8 статьяөн урчитöма, мый Коми Республикаын канму власьтыс збыльмöдсö оланпас пыртысь, олöмö пöртысь да ёрд власьт вылö юклан подув вылын. Коми Республикаса канму власьтсö збыльмöдöны Коми Республикаса Каналан Сöвет, Коми Республикаса Юралысь, Коми Республикаса Веськöдлан котыр да Коми Республикаса мукöд олöмö пöртысь власьт орган, Коми Республикаса Оланподув Ёрд да мирöвöй ёрдысьяс.

Коми Республикаса Оланподувлөн 71 статья, «Коми Республикаса Каналан Сöвет йылысь» 2010 во вöльгым тöлысь 17 лунся 129-РЗ №-а Коми Республикаса Оланпаслөн 1, 5 статьяс серти Коми Республикаса Каналан Сöвет лоö Коми Республикаса власьтлөн пыр уджалысь медвылыс да дзик öти бöрйöм да оланпас пыртысь органөн. Коми Республикаса Каналан Сöветö пырö 30 депутат, кодъясöс ставлы инмана быдөнлы öткодь да веськыда бöрйысян инöд подув вылын гуся гөлöсуйтiгөн бöрйöны Россия Федерацияса граждана, кодъяс олöны Коми Республика мутасын да кодъяслөн федеральнöй оланпас серти эм активнöй бöрйысян инöд.

Коми Республикаса Оланподувлөн 73 статья серти Коми Республикаса Каналан Сöвет збыльмöдö оланпас серти ладмöдöмсö Коми Республикалөн веськöдланторъяс да Россия Федерациялөн да Россия Федерацияса субъектъяслөн öтувъя веськöдланторъяс серти Коми Республикалөн уджмогъяс серти.

«Россия Федерацияса субъектъяслөн оланпас пыртысь (бöрйöм) да олöмö пöртысь канму власьт органъяс котыртан öтувъя принципъяс йылысь» 1999 во вöльгым тöлысь 6 лунся 184-ФЗ №-а Федеральнöй оланпаслөн 8 статьяса 5 пункт серти мортлысь да гражданинлысь инöдъяс да вöля доръян юалöмъяс серти Россия Федерацияса субъектлөн оланпасъяс да мукöд нормативнöй инöда акт вынсялöны найöс официальнöя публикуйтöм бöрын дас лунысь оз водзджык.

Россия Федерацияса Оланподув Ёрдлөн инöд боксянь видзöдлас серти, кутшöмöс гижöма 2005 во рака тöлысь 10 лунся 71-О №-а кывкöртöдын, сы вöсна мый мортлысь да гражданинлысь инöдъяс да вöля дорйöмыс – Россия Федерациялөн веськöдлантор, а сiдзжö Россия Федерациялөн да сылөн субъектъяслөн öтувъя веськöдлантор (Россия Федерацияса Оланподулын 71 статья, «в» пункт; 72 статьяс, 1 юкөнса «б» пункт), юалöмъяс серти, мыйяс пырöны нормативнöя ладмöдан тайö юкөнö, Россия Федерацияса субъектлөн оланпасъяс вынсялан кадколастьяс урчитöмыс лоö Россия Федерацияса субъектса оланпас пыртысь органлөн аслас зэв ыджыд инöдөн (дискрецияөн), мукöдторсö кö абу урчитöма öтувъя либö торъя федеральнöй оланпасөн.

«Россия Федерацияса субъектъяслөн оланпас пыртысь (бөрйөм) да олөмө пörтысь канму власьт органъяс котыртан öтувьяс принципъяс йылысь» Федеральнöй оланпас лоö öтувьяс оланпасөн, мый урчитö Россия Федерацияса субъектъяслөн оланпасъяс да мукöд нормативнöй акт вынсялан пöрадоксö. Ладмöдöмыс, мый сэнi эм, мый серти мортлысь да гражданинлысь инöдъяс да вöля доръян юалöмъяс серти нормативнöй актъяс вынсялöны найöс официальнöя публикуйтöм бöрын дас лунысь оз водзджык (8 статьяса 5 пункт), оз кут Россия Федерацияса субъектöс сыысь, мый сийö ачыс индö аслас оланпасъяс вынсялан пöрадоксö.

Висьталöмтор вылö подуласьöмөн артмö, мый и сэк, кор примитöны мортлысь да гражданинлысь инöдъяс да вöля доръян юалöмъяс серти оланпассö, Россия Федерацияса субъект ачыс вермö ладмöдны сылысь вынсялан пöрадоксö.

Сидз, «Коми Республикаса оланпасъяс да Коми Республикаын примитан мукöд инöда акт публикуйтан да вынсялан пöрадок йылысь, а сиджö официальнöя публикуйтны колана материалъяс публикуйтан пöрадок йылысь» 2002 во 11.04 лунся 101-РЗ №-а Коми Республикаса Оланпаслөн 2 статья серти (редакцияын, мый нормативнöй инöда актъяслысь вензяна положениеяс примитан кадö вöли вына) Коми Республикаса оланпасъяссö колö официальнöя публикуйтны Коми Республикаса Юралысьөн найöс кырымалöм бöрын сизим лун чöжөн да найö вынсялöны официальнöя публикуйтöм бöрын дас лун кольöм мысти, оланпасъясөн кö абу урчитöма налысь мöд вынсялан пöрадоксö.

Вылынджык вайöдöм оланпастэчассö инöд боксянь видлалöм-донъялöм бöрын позьö вöчны кывкöртöд сы йылысь, мый Коми Республикаса оланпасъяслысь вынсялан кадколастьяссö урчитöмыс лоö Коми Республикаса оланпас дасьтысьлөн аслас зэв ыджыд инöдөн.

Татшöм лöмторъяс дырйи, сы вöсна мый торъя федеральнöй оланпасөн абу урчитöма мöдтор, ёрд воö кывкöртöдö сы йылысь, мый республикаса оланпас дасьтысь 2016 во вöльгым тöлысь 29 лунся 120-РЗ №-а вензяна Коми Республикаса оланпас примитiгөн вермис вöдитчыны öтувьяс федеральнöй оланпасөн урчитöм правилöөн сы йылысь, мый сийö вынсялö официальнöя публикуйтан лунсянь.

Административнöй искусь доводъясыс сы йылысь, мый гражданинлөн инöдъяскöд да вöлякöд йитчöм Коми Республикаса оланпасъяс вынсялöны найöс официальнöя публикуйтöм бöрын дас лунысь оз водзджык, подуласьöны материалнöй инöдлысь нормаяссö абу стöча гөгөрвоöдöм вылö.

Öшыбкаа татшöм логика серти колö, медым быд оланпас, кутшöмöс примитöма мортлөн да гражданинлөн инöдъяс да вöля юалöмъяс серти да мый

йитчöма налөн инöдьяскöд да вöлякöд, вынсяліс сійöс официальнойнöя публикуйтöм бöрын дас лунысь эз водзджык.

Гöгöрвоны кö татшöм ногөн, оланпас серти, мый урчитö гражданалөн бöрйысян инöдьяс серти содтöд гарантияяссö, налөн эз эськö ло татшöм гарантияс збыльмöдöм вылö инöдыс буретш оланпассö официальнойнöя публикуйтан лунсянь.

Но тайö эз эськö лöсяв оланподув серти бöрйысян инöдлы да сыөн урчитöм бöрйысян оланпастэчаслөн аслыспöлöслунлы да эськö эз лöсяв «Россия Федерацияса субъектыяслөн оланпас пыртысь (бöрйöм) да олöмö пöртысь канму власьт органьяс котыртан öтувьяс принципьяс йылысь» Федеральнойнöя оланпаслөн 8 статьяса 5 пунктлы, мый серти оланпасьяслөн найöс официальнойнöя публикуйтöм бöрын дас лун мысти вынсялöм йылысь правилöөн позьö вöдитчыны Россия Федерацияса субъектыяслөн сійö оланпасьяс серти, кутшöмьясöс примитöма веськыда мортлысь да гражданинлысь инöдьяс да вöля дорьян юалöмьяссö нормативнöя ладмöдöм могысь, кутшöмьясöс вынсьöдöма Россия Федерацияса Оланподулын 72 статьяса 1 юкөнлөн «б» пунктын, а абу мортлөн да гражданинлөн инöдьяс да вöля серти дзоньнас.

Та дырйи сійö, мый мортлөн да гражданинлөн (социальнойнöя, оланін, удж, бöрйысян да с.в.) инöдьяс да вöля да тайö инöдьяссö да вöлясö дорйöмыс асланыс сюрс сертиыс лöбны торья понятиеясөн, артмö и Россия Федерацияса Оланподувлөн 2 статья серти, мый серти канмулөн кывкутана могыс – пыдди пуктыны мортлысь да гражданинлысь инöдьяссö да вöлясö, кутчысьны наö да дорйыны найöс.

Такöд öттшöтш Россия Федерацияса субъектыяслөн уджмогьясыс, кутшöмьяс йитчöмаöсь Россия Федерацияса субъектыясын гражданалөн бöрйысян инöдьяс юкөннын оланпастэчас серти ладмöдöмсö збыльмöдöмкöд, мыйяс серти примитöма нормативнöя инöда актьяслысь вензяна положениеяссö, урчитöма Россия Федерацияса Оланподулын 72 статьялөн 1 юкөнса «н» пунктөн, а абу тайö жö статьялөн 1 юкөнса «б» пунктөн.

Висьталöмторсö тöд вылö босьтöмөн, федеральнойнöя да дінмуса оланпасьяслысь вылынджык вайöдöм нормаяссö, Россия Федерацияса Оланподув Ёрдлысь видзöдлассö тöд вылö босьтöмөн, ёрд воö кывкöртöдö сы йылысь, мый абуöсь инöд боксянь подувьясыс сы вылö, медым лыддыны «Коми Республикаын бöрйысьöмьяс да референдумьяс йылысь» Коми Республикаса Оланпасö вежсьöмьяс пыртöм йылысь» 120-РЗ №-а Коми Республикаса Оланпаслысь 2 статьясö федеральнойнöя оланпастэчаслөн корöмьяслы лöсявтöмөн, мый урчитö сылысь вынсялöмсö официальнойнöя йöзöдан лунсянь.



«Коми Республикаса оланпасьяс да Коми Республикаын примитан мукöд инöда акт публикуйтан да вынсялан пöрадок йылысь, а сідзжö официальнойя публикуйтны колана материалъяс йöзöдан пöрадок йылысь» 2002 во 11.04 лунся 101-РЗ №-а Коми Республикаса Оланпаслön 8 статьяса 1 юкөн серти (редакцияын, мый нормативной инöда актъяслысь вензяна положениеяссö примитан кадö вöлі вына) Коми Республикаса оланпасьяс, Коми Республикаса Каналан Сöветлысь нормативной инöда актъяс, Коми Республикаса Юралысьлысь нормативной инöда актъяс, Коми Республикаса Веськöдлан котырлысь нормативной инöда актъяс, Коми Республикаса Оланподув Ёрдлысь помшүомьяс, Коми Республикаса сёрнитчöмьяс, Коми Республикаса канму власьт органъяслысь артмöдчöмьяс официальнойя публикуйтöмön лыддьöны тайö актъяслысь тыр текстъяссö «Республика», «Коми му» газетъясын, «Коми Республикаса канму власьт органъяслön индöд-тшöктöмьяс» журналын медводдза публикуйттöмсö либö Коми Республикаса Веськöдлан котырön урчитöм пöрадокын сетевойя изданиеын медводдзаысь йöзöдöмсö (публикуйтöмсö), кутшöмöс учредитöма Коми Республикаса Веськöдлан котырön Коми Республикаса канму власьт органъяслысь инöда актъяс, мöд сикас официальнойя юөр йöзöдöм (официальнойя публикуйтöм) могысь (водзö - сетевойя издание).

2002 во 11.04 лунся 101-РЗ №-а Коми Республикаса индöм Оланпаслön 8 статьяса 1-1 юкөн серти Коми Республикаса оланпасьяссö да мукöд инöда актсö официальнойя публикуйтöмön, кутшöмьясöс индöма тайö статьяса 1 да 3 юкөнъясын, лоö найöс кырымалан лунсянь 10 лун чöжөн сідзжö «Инöда юөрлön официальнойя öтуввез-порталын» ([www.pravo.gov.ru](http://www.pravo.gov.ru)) федеральнойя оланпастэчасön урчитöм пöрадокын найöс публикуйтöм.

«Коми Республикаса канму власьт органъясön примитöм инöда актъяс, мукöд официальнойя юөр лыддьöг» сетевойя издание (<http://law.rkomi.ru/>) лоö «Öтуввез» юөртан да телекоммуникация везыын официальнойя сайтön, көні «Коми Республикаса оланпасьяс да Коми Республикаын примитан мукöд инöда акт публикуйтан да вынсялан пöрадок йылысь, а сідзжö официальнойя публикуйтны колана материалъяс публикуйтан пöрадок йылысь» Коми Республикаса Оланпас серти роч кыв вылын йöзöдöны (публикуйтöны) Коми Республикаса оланпасьяссö, Коми Республикаса Каналан Сöветлысь нормативной инöда актъяссö, Коми Республикаса Юралысьлысь нормативной инöда актъяссö, Коми Республикаса Веськöдлан котырлысь нормативной инöда актъяссö, Коми Республикаса Оланподув Ёрдлысь помшүомьяссö, Коми Республикаса сёрнитчöмьяссö, Коми Республикаса канму власьт органъяслысь артмöдчöмьяссö, Коми Республикаса министерствояслысь да мукöд олöмö пöртысь власьт органлысь, Коми Республикаса канму органъяслысь, кодьясöс артмöдöма Коми Республикаса

Юралысь да кодъяслы сетöма лöсялана юкöнын нормативнöй инöд боксянь ладмöдан инöд, нормативнöй инöда актъяссö, а сідзжö мукöд инöда актсö, документсö, тöдмөгсö, юöрсö, мый федеральнöй оланпастэчас да (либö) Коми Республикаса оланпастэчас серти колö официальнойя публикуйтны («Коми Республикаса канму власьт органъяслысь инöда актъяс, мöд сикас официальнойя юөр йöзöдöм (официальнойя публикуйтöм) вылö сетевöй издание йылысь» Коми Республикаса Веськöдлан котырлөн 2014 во 03.27 лунся 124 №-а шуöм (редакцияын, мый нормативнöй инöда актъяслысь вензяна положениеяс примитан кадö вöлі вына)).

Татшöм ногөн, «Коми Республикаын бöрйысьöмьяс да референдумьяс йылысь» Коми Республикаса Оланпасö вежсьöмьяс пыртöм йылысь» 2016 во вöльгым тöлысь 29 лунся 120-РЗ №-а Коми Республикаса Оланпаслөн, «Коми Республикаын бöрйысьöмьяс да референдумьяс йылысь» 2010 во кöч тöлысь 27 лунся 88-РЗ №-а Коми Республикаса Оланпаслөн вензяна юкөнъяссö (2016 во вöльгым тöлысь 29 лунся 120-РЗ №-а Коми Республикаса Оланпаслөн редакцияын) примитöма уполномочитöм оланпас пыртысь органөн, кырымалöма колана чина мортөн формаö (сикассö), примитанногö, вынсялана правилöясö, сы лыдын публикуйтан да вынсялан пöрадокö, кутчысьöмөн.

Бöрйысьны да лоны канму власьт органъясö да меставывса асвеськöдлан органъясö бöрйöмаөн Россия Федерацияса гражданылысь инöдсö (32 статья, 2 юкөн) да сылысь медшөр дзескöдöмьяссö (32 статья, 3 юкөн; 81 статья, 2 да 3 юкөнъяс; 97 статья, 1 юкөн) вынсьöдигөн Россия Федерацияса Оланподув веськыда оз инды тайö инöд збыльмöдан пöрадоксö. Кыдзи артмö сылөн 71 статьяысь («в» пункт), 72 статьяысь (1 юкөнса «н» пункт) да 76 статьяысь (1 да 2 юкөнъяс), бöрйысян йитöдъяссö ладмöдöмыс да бöрйысьöмьяс нуöдан пöрадок урчитöмыс пырöны оланпас дасьтысьлөн компетенцияö, кутшöмöс збыльмöдигөн сылы быть колö босьтны тöд вылö йöзсö петкöдлöмсö да демократическöй инöда канмуын оланподув серти бöрйысьöмьяслысь коланлунсö, кутчысьны ставлы инмана, быдөнлы öткодь, ас кöсийöм серти да веськыда бöрйысян инöдлөн ставөн пыдди пуктана принципъясö, могмöдны гражданылысь бöрйысян инöдьяс веськыда збыльмöданногьяссö, кандидатъясöс вöзйöмсö да пасйöмсö пыртöмөн, да кутчысьны электоральнойя политическöй конкуренциясö помкатöг дзескöдöмысь (2009 во вöльгым тöлысь 9 лунся 16-П №-а, 2015 во öшым тöлысь 22 лунся 34-П №-а, 2006 во лöддза-номья тöлысь 16 лунся 7-П №-а, 2017 во косму тöлысь 13 лунся 11-П №-а Россия Федерацияса Оланподув Ёрдлөн шуöмьяс; 2011 во öшым тöлысь 8 лунся 1794-О-О №-а, 2012 во урасьöм тöлысь 7 лунся 233-О-О №-а, 2016 во рака тöлысь 10 лунся 450-О

№-а да 451-О №-а, 2016 во кӧч тӧлысь 15 лунся 1742-О №-а Россия Федерацияса Оланподув Ёрдлӧн кывкӧртӧдъяс да мукӧд).

Юалӧмъяс серти, мыйяс йитчӧмаӧсь Россия Федерацияса субъектыясын гражданлӧн бӧрйысян инӧдъяс юкӧнын оланпастэчас серти ладмӧдӧмсӧ збыльмӧдӧмкӧд, Россия Федерацияса Оланподув Ёрд пасйыліс, мый Россия Федерацияса субъектыяслӧн лӧсялана оланпасьясыс стӧчмӧдӧны нормативнӧй боксянь ладмӧдӧмсӧ, найӧс лӧсьӧдӧны вторичнӧя да артмӧдӧны инӧд боксянь подув ладмӧдан подув вылын, кутшӧмӧс урчитӧма Россия Федерацияса Оланподулӧн да федеральнӧй оланпасьясӧн, торйӧн кӧ, «Россия Федерацияса гражданалы бӧрйысян инӧдъяс да референдумын участвуйтӧм вылӧ инӧд серти медшӧр гарантияяс йылысь» Федеральнӧй оланпасӧн. Россия Федерациялӧн субъектса оланпас дасьтысьлы стӧча индӧм бӧрйысян процедураяссӧ пыртӧгӧн колӧ инӧд боксянь ладмӧданторлысь аслыспӧлӧслунъяссӧ тӧд вылӧ босьтӧмӧн урчитны и гражданлӧн бӧрйысян инӧдъяс серти колана содтӧд гарантияяссӧ. Та дырйи сылы быть колӧ кутчысьны Россия Федерациялӧн Оланподувса 76 статьялӧн корӧмӧ (5 юкӧн), мый серти Россия Федерацияса субъектыяслӧн оланпасьясыс да мукӧд нормативнӧй инӧда актыс оз вермыны мунны федеральнӧй оланпасьяслы паньд, да оз вермы чинтыны бӧрйысян инӧдъяс серти федеральнӧй гарантияяслысь тшупӧдсӧ, кутшӧмӧс Россия Федерацияын могмӧдӧны Россия Федерацияса Оланподув подув вылын да войтыркостса инӧдлӧн ставӧн пыдди пуктана принципъяс да нормаяс серти. Россия Федерациялӧн субъектса оланпас дасьтысь оз вермы сідзжӧ пыртны оланподув инӧдъяс да вӧля серти кутшӧмкӧ дзескӧдӧмъяс да, дерт жӧ, оз вермы урчитны татшӧм процедураяс да условияс, кутшӧмъяс йитчӧмаӧсь ас кӧсйӧм серти бӧрйысьӧмъяс вылӧ инӧдлӧн сюрӧскӧд (2008 во рака тӧлысь 11 лунся 4-П N-а да 2012 во ӧшым тӧлысь 24 лунся 32-П N-а шуӧмъяс; 2008 во лӧддза-номъя тӧлысь 17 лунся 436-О-О N-а да 2016 во урасьӧм тӧлысь 9 лунся 337-О N-а кывкӧртӧдъяс).

«Россия Федерацияса гражданлӧн бӧрйысян инӧдъяс серти да референдумын участвуйтӧм вылӧ инӧд серти медшӧр гарантияяс йылысь» 2002 во 06.12 лунся 67-ФЗ №-а Федеральнӧй оланпаслӧн 71 статьяса 15 пункт серти оланпасӧн вермӧны урчитны, мый сӧк, кор кадысь водз дугӧдӧны депутатлысь уджмогъяссӧ, кодӧс бӧрйӧма кандидатъяслӧн списокын, кансяма ютырлӧн коллегиальнӧй пыр уджалысь юрнуӧдысь орган, кодлӧн кандидатъяслӧн списокын тайӧ депутатсӧ вӧлі бӧрйӧма, либӧ (бӧрйысьӧмъяслӧн тшупӧдлы лӧсялӧмӧн) дінмуын сылӧн юкӧнлӧн либӧ мӧд сикас тэчас юкӧдувлӧн (тайӧс кӧ урчитӧма кансяма ютырлӧн подувпуктасӧн) коллегиальнӧй пыр уджалысь юрнуӧдысь орган, кодлӧн кандидатъяслӧн списокын тайӧ депутатсӧ вӧлі бӧрйӧма, вермӧ вӧзйыны прӧст депутатскӧй

мандат серти уджалом могысь кандидатъяслон сийо жо списоксы пасйом кандидатлысь кандидатурасо. Оланпас подув вылын ко кандидатъяслысь списоксо юкома кандидатъяслон динму группаяс выло, кандидатурасо позьо вэйыны сомын сийо кандидатъяс лыдысь, кодъясос пыртома кандидатъяслон сийо динму группао (кандидатъяс списоклон сийо юконо, мый оз пыр кандидатъяслон кутшомко динму группао), кытчо воли пыртома депутатсо, кодлысь уджмогыассо кадысь водз дугодома. Сэк, кор кандидатъяслон лосялана динму группаын (кандидатъяслон списокын сийо юконын, мый оз пыр кандидатъяслон кутшомко динму группао) эз кольны пасйом кандидатъясыс либо колысны сомын пасйом кандидатъяс, кодъяс гижомон юортисны лосяломон кансяма ютырлон коллегиальной пыр уджалысь юрнуодысь органо, сылон динму юконо либо мод тэчас юкодуло тайо прот депутатской мандат серти уджаломысь асланыс откажитчом йылысь, кансяма ютырлон, сылон динму юконлон либо мод сикас тэчас юкодувлон индом орган вермо вэйыны кандидатъяслон мод динму группаысь мод пасйом кандидатлысь кандидатурасо (кандидатъяслон списокын сийо юконысь, мый оз пыр кандидатъяслон кутшомко динму группао).

Индом Федеральной оланпас серти борйысьомъяс йылысь оланпасон вермоны урчитны, мый сэк, кор кадысь водз дугодоны депутатлысь уджмогыассо, кодос борйома кандидатъяслон списокын, прот депутатской мандат серти уджалом могысь кансяма ютырлон, сылон динму юконлон, мод тэчас юкодувлон лосялана коллегиальной орган вэйо кандидатъяслон сийо жо списоксы пасйом кандидатлысь кандидатурасо (71 статьяса 15 пункт). Тайо случайасын тайо Федеральной оланпас серти – сы серти вермас лоны, мый либо кандидатъяслон списокын вермоны лоны либо ставдинмуса юкон (кандидатъяслон списокын сийо юкон, мый оз пыр кандидатъяслон кутшомко динму группао) да динму группаяс, либо сомын динму группаяс (35 статьялон 14 пунктса витод сёрникузя), сетоны татшом коллегиальной пыр уджалысь юрнуодысь органлы инод вэйыны прот депутатской мандат серти уджалом выло пасйом кандидатлысь кандидатурасо кандидатъяслон сомын сийо динму группаысь (кандидатъяслон списокын сийо юконысь, мый оз пыр кандидатъяслон кутшомко динму группао), кытчо воли пыртома прот депутатской мандатсо; кандидатъяслон лосялана динму группаын (кандидатъяслон списокын сийо юконын, мый оз пыр кандидатъяслон кутшомко динму группао) пасйом кандидатъясыс ко эз кольны либо колысны сомын сийо пасйом кандидатъясыс, кодъяс гижомон юортисны тайо прот депутатской мандат серти уджаломысь асланыс откажитчом йылысь, индом орган вермо вэйыны кандидатъяслон мод динму группаысь пасйом кандидатлысь кандидатурасо (кандидатъяслон списокын сийо юконысь, мый оз пыр кандидатъяслон кутшомко динму группао).

Россия Федерацияса Оланподув Ёрд донъявліс нин «Россия Федерацияса гражданаһон бөрйысян инөдъяс да референдумын участвуйтөм вылө инөд серти медшөр гарантияс йылысь» Федеральнөй оланпаслысь 71 статьяса положениеяссө, кызди найөс выль пөв гижөма «Россия Федерацияһон Федеральнөй Собраниеын Каналан Думаса депутатъясөс бөрйөм йылысь» 2005 во ода-кора төлысь 18 лунся 51-ФЗ №-а Федеральнөй оланпаслөн 89 статьяын. 2013 во рака төлысь 6 лунся 324-О №-а Кывкөртөдын да 2014 во ошым төлысь 16 лунся 33-П №-а Шуөмын сийө индїс инөд боксянь татшөм видзөдласьяс:

прөст депутатскөй мандат серти уджалөм йылысь юалөмсө – сийөс төд вылө босьтөмөн, мый бөрйысян процессын участвуйтысьясыс йитчөмаось бөрйысьяслөн көсйөмкөд да пропорциональнөй бөрйысян система серти гөлөсуйтан кывкөртөдьяссө адекватнөя формализуйтөмлысь оланподулын сыөн урчитөм төдчанлунсө, - колө решитны оланпас подув вылын оз аснаукөн, а юридическөй боксянь төдчана лоөмторьяссө төд вылө босьтөмөн, мыйяс артмисны збыльысь ас көсйөм серти да веськыда бөрйысьөмьяс дырйи бөрйысьяслысь көсйөмсө веськыда петкөдлөм бөрын;

кансяма ютырлөн, кодлөн кандидатъяслысь федеральнөй списоксө вөлі бөрйөма депутатскөй мандатъяс юклөм вылө, водзө кутө бөрйысьяслөкөд йитөдсө и бөрйысян процесс помасьөм да бөрйөм канму власьт орган артмөдөм бөрын да, сы вөсна, мый сийө кывкутө бөрйысьясыс водзын асысь бөрйысьөмьясводзвывса уджтассө олөмө пөртөм вөсна, сылөн эм инөд боксянь подулалөм интерес сыын, мый сэк, кор депутатлысь уджмогьяссө дугөдөны кадысь водз, вөзйыны прөст депутатскөй мандат серти уджалөм вылө сийө кандидатурасө, кодї, сылөн видзөдлас серти, медбура вермас петкөдлыны парламентын сылысь фракциясө;

сы вөсна, мый депутатъясө кандидатъяслысь списоксө лөсьөдигөн кансяма ютырлы колө уджавны кывкутөмөн да босьтны төд вылө сийөс, мый сэтчө стөча индөм йөзөс пыртөм вөсна артмөны тайө йөзлөн участвуйтөмөн кутшөмкө инөда йитөдьяс, сы лыдын кутшөмьясөс подулалөма сыөн, мый найө пырөны тайө кансяма ютырлөн фракцияө депутатъясөн, а бөрйысьөмьяслысь бөртасьяссө индөны сөмын бөрйысьяслөн гөлөсуйтөмөн, ни ачыс кансяма ютырыс, ни, дерт жө, парламентын сылөн фракциясыс оз вермы аслас көсйөм серти вежны сылысь кывкөртөдьяссө; тайө урчитө сийөс, мый кандидатъяслөн пасйөм списокысь прөст депутатскөй мандат серти уджалөм вылө кандидатурасө индигөн кансяма ютыр оз вермы кольны төд вылө босьтөг сийө лоөмторсө, мый бөрйысьясыс ютырлөн список вөсна быдсөн гөлөсьяснысө сетигөн гөлөсуйтисны и быд кандидат вөсна, кодөс пыртөма тайө спискас, торйөн кө, дорвывлунсө төд вылө босьтөмөн, мый кандидатъяслысь списоксө вөзйигөн ютырыс индїс ачыс; та

вöсна прöст депутатскöй мандатъяссö юклігөн, кутшöмьяс эмöсь сыкöд йитöдын, мый депутатъяслысь уджмогъяссö дугöдöны кадысь водз, быть колö босьтны тöд вылö кандидатъяслөн федеральнöй списокын пасйöм кандидатъяссöс гижан дорвывлунсö; такöд тшöтш колö тöд вылö босьтны лоöмторьяс, мыйяс артмисны (воссисны) бöрйысьöмьяс бöрын периодö, мыйяс вермисны тöдчыны кансяма ютырөн сыөн вöзйöм кандидатъяслөн списокын стöча индöм мортöс депутатъясö кандидатөн вöзйöм йылысь помшуöм примитöм вылö;

мукöд случайың, кансяма ютырлөн коллегиальнöй пыр уджалысь юрнуöдысь органөн депутатлөн прöст мандат серти уджалöм вылö кандидатура серти помшуöм примитігөн списокö пыртöм кандидатъяссö оз позь пуктыны инöд боксянь да збыльвылас гөгөрвотöм ситуацияö; колö, медым татшöм помшуöмын вöлі индöма лоöмторьяс вылö, кутшöмьяс вöсна кансяма ютырлөн юрнуöдысь орган вешйис кандидатъяслөн списокын пасйöм кандидатъяссö гижан дорвывлунысь, мый позьö сюрöс сертиыс прöверитны ёрд пöрадокын; тайö корöмьясö кутчысьтöмлуныс торкис эськö инöда йитöдъяссö формальнöй да юридическöй боксянь гөгөрвоöмсö, мыйяс серти уджалöны пасйöм кандидатъяс да найöс кандидатъяслөн списокын вöзйöм кансяма ютыр, да, Россия Федерацияса Оланподувлөн 19 (1 да 2 юкөньяс), 30, 32 (1 да 2 юкөньяс) да 55 (3 юкөн) статьяслөн положениеяс вылö видзöдтöг, вайöдіс эськö кызди бöрйысян инöдъяссö, сідзи и кансяма ютыръясö öтувтчан вöля вылö инöдсö вывті ёна дзескөдöмö, кандидатъяслөн лöсялана списокын кандидатъяс костын öткодълун абутöмлунö.

Россия Федерацияса Оланподув Ёрд водзджык сідзжö видлаліс оланпасса положениеяслөн оланподувлы лöсялöм йылысь юалöмсö, мыйяс сетöны бöрйысян öтувлөн коллегиальнöй пыр уджалысь юрнуöдысь органлы Россия Федерацияса субъектлөн оланпас пыртысь (бöрйöм) канму власьт органöс бöрйöмьяслөн бöртасъяс серти депутатскöй мандатъяс юклігөн правомочиесö индыны депутатъясö кандидатъяслөн списокысь мутас группасö, кытысь пасйöм кандидатыслы сэк, кор пасйöм кандидатыс, кодöс пыртöма кандидатъяслөн списокын ставдінмуса юкөнö, öткажитчöма депутатскöй мандатысь, сетöны прöст депутатскöй мандат. 2013 во öшым тöлысь 19 лунся 28-П №-а Шуöмын сійö индіс татшöмтор:

сійöс тöд вылö босьтöмөн, мый оланподув серти лыддьöны, мый пассивнöй бöрйысян инöдсö дзик öти кутысьясөн лоöны граждана да мый гражданинөн депутатö кандидатлысь публичнöй инöда статус босьтöмсянь сыөн пассивнöй бöрйысян инöд збыльмöдан процессыс дугдö лоны сійöс вöзйöм бöрйысян öтувлөн (кансяма ютырлөн, сылөн дінму юкөнлөн) ас кöсйöм серти бöрйöмторйөн, бöрйысян öтув оз вермы вешйыны бöрйысьысьяслысь кöсйöмьяс петкөдлан бöртасъясөн депутатскöй мандатъяс

юклөмсö подулалöмысь; бöрийсыян öтувлы татшöм инöдсö сетöмыс вöли эськö сы кодь жö, кызди и сылы сетны позянлун öти кандидатьяслы веркуй сетигөн да сийö жö кадö мöдьяссö увтыртігөн бөрнас вежны бöрийсыöмьяслысь бөртасьяссö - бöрийсысысыяслысь кöсийöмьяссö петкөдлөм вылö видзöдтöг, кутшöмöс вöли збыльмөдöма веськыд бöрийсыян инöд принцип подув вылын, да öткодьлун принцип торкалöмөн, мый артмö Россия Федерацияса Оланподувлөн 19 статьясы (1 да 2 юкөньяс), кутшöмöс бöрийсыян йитöдьясын збыльмөдöны öткодь бöрийсыян инöд да кандидатьяслөн öткодьлун пыр («Россия Федерацияса гражданалөн бöрийсыян инöдьяс да референдумын участвуйтöм вылö инöд серти медшөр гарантияс йылысь» Федеральной оланпаслөн 5 да 39 статьясы);

гöлөсуйтан кывкөртöдьяссö формализуйтан стадияын кызди бöрийсыöмьяс помасьян этапын вермасны лоны случайас, кор публичной власьтлысь бöрийöм органсö артмөдигөн депутатьясö пасйöм кандидатьяс пиысь кодкö öткажитчö мандатысь, мый вöсна прöст депутатской мандатьяссö колö юклены пасйöм кандидатьяс костын, кодьясöс пыртöма лөсялана списокö; Россия Федерацияын кызди инöда канмуын (Россия Федерацияса Оланподувлөн 1 да 3 статьясы) татшöм правомочиесö – сийöс тöд вылö босьтöмөн, мый бöрийсыян процессын участвуйтысыясыс йитчöны бöрийсысысыяслысь кöсийöмьяс петкөдлөмкөд - бöрийсыян öтувлы колö збыльмөдны оланпас подув вылын оз аснаукөн, а юридической боксянь тöдчана лөмторьяссö тöд вылö босьтöмөн, мыйяс артмисны збыльысь ас кöсийöм серти да веськыда бöрийсыöмьяс дырйи бöрийсысысыяслысь кöсийöмсö веськыда петкөдлөм бöрын;

Россия Федерацияса субъектлөн оланпас пыртысь (бöрийöм) канму власьт органö бöрийсыöмьяс бöрын депутатской мандатьяс юклігөн оз позь примитны тайö юалöм серти помшуөмсö формальной индöм муртöсьяс вылö видзöдтöг, мыйяс йитöны мутас группасö бöрийöмсö, кытысь пасйöм кандидатлы сетсьö прöст депутатской мандат, бöрийсысысыяслысь кöсийöмьяс петкөдлан бөртасьяскөд, кутшöмьяс индöны гöлөсуйтöмын участвуйтöм бöрийсысысыяслөн гöлөсьяс пай (прöцент) вылö видзöдöмөн татшöм группаяслысь дорыввлунсö;

депутатской мандатьяссö медводдза юклан этапын оз на вермыны артмыны либö – сийöс тöд вылö босьтöмөн, мый кансяма ютыр кывкутö стöча индöм мортöс депутатьясö кандидатөн вöзийöм йылысь помшуöм вöсна, - лоны инöд боксянь тöдчанаөн сэтшöм лөмторьяс, кутшöмьяс выль боксянь петкөдлöны мортсö, кодöс пыртöма депутатьясö кандидатьяслөн списокö, кызди бöрийсыöмьяс бöрын кансяма ютырлөн уджö пырöдчан тшупöд, сыөн ютырлөн подувпуктасö кутчысьöм да мукөдтор, мыйяс прöстөн лөм депутатской мандатсö водзö юклігөн (торйөн кö, сэк, кор депутатлысь

уджмогъяссö дугöдöны кадъсь водз) депутатскöй мандатъяссö медводдза юклан этапын торъялöмөн сетісны эськö позянлун, кызди пасйис Россия Федерацияса Оланподув Ёрд 2013 во рака тöлысь 6 лунся 324-О №-а Кывкöртöдын, кансяма ютырлөн, гражданалөн, кандидатъяслөн списокын пасйöм кандидатъясөн, мый вöзйис кансяма ютыр, да бöрйысьысьяслөн инöдъяс да оланпас серти интересъяс костын балансö могмöдны коланлунсö тöд вылö босьтöмөн вешйыны öтувьяс правилöысь, мый серти быть колö кутчысьны кандидатъяслөн списокын пасйöм кандидатъяссö гижан дорвывлунö, но сöмын ютырлөн подувпуктас серти да сöмын подулалöм лöмторъяскöд йитöдын.

Россия Федерацияса Оланподув Ёрдлөн инöд боксянь вайöдöм видзöдласъяслөн вежöртас серти депутатскöй мандат юклігөн, мый лоис прöстөн сы вöсна, мый Россия Федерацияса субъектлөн оланпас пыртъсь (бöрйöм) канму власьт органса депутатлысь уджмогъяссö дугöдісны кадъсь водз, бöрйысян öтувлөн коллегиальной пыр уджалысь юрнуöдысь орган оз вермы вешйыны кандидатъяслөн списокын мутас группаяс (юкөнъяс) костын депутатскöй мандатъяс юклан правилöясысь, кутшöмъясöс подулалöма бöрйысьысьяслысь кöсйöмъяс петкöдлöмөн, да сöмын торъя случайсын, кор эмöсь подулалöм лöмторъяс, позьö вешйыны мутас группайн (кандидатъяслөн списокын ставдінмуса юкөннын, мый оз пыр кандидатъяслөн кутшöмкö дінму группаö) кандидатъяссö гижан дорвывлунуысь.

Россия Федерацияса Оланподув Ёрдлөн инöд боксянь тайö видзöдласъясыс кольöны вынаөн да лöоны наö быть коланаөн оз сöмын инöдөн вöдитчысьяслы, сы лыдын ёрдъяслы, но и оланпас дасьтысьлы, сійöс тöд вылö босьтöмөн, мый 2013 во öшым тöлысь 19 лунся 28-П №-а Шуöмын Россия Федерацияса Оланподув Ёрд тшöктіс Россия Федерацияса субъектъяслөн канму власьт органъяслы пыртны бöрйысян оланпастэчасö колана вежсьöмъяс, сы вылö медым эз вöв позянлун примитны прöст депутатскöй мандатъяс сетöм йылысь помшүöмъяс, мыйясысь öткажитчисны пасйöм кандидатъяс, формальной индöм муртöсьяс вылö видзöдтöг, мыйяс йитöны пасйöм кандидатöс бöрйöмсö, кодлы сетöны прöст депутатскöй мандатсö, бöрйысьысьяслысь кöсйöмъяс петкöдлан бöртасъясскöд.

Нормативной инöда актъяслысь вензяна положениеяссö сы серти видлалöм-донъялöм бöрын, лöсялöны-ö найö вына оланпастэчаслы, мый ладмöдö видлалана инöда йитöдъяссö, торйөн кö, «Россия Федерацияса гражданалөн бöрйысян инöдъяс да референдумын участвуйтöм вылö инöд серти медшöр гарантияяс йылысь» 2002 во 06.12 лунся 67-ФЗ №-а Федеральной оланпаслы, Россия Федерацияса Оланподув Ёрдлысь инöд боксянь вайöдöм видзöдласъяссö тöд вылö босьтöмөн, ёрд воö кывкöртöдö сы йылысь, мый вензяна инöд боксянь ладмöдöмыс, кутшöмöс веськöдöма прöст



депутатскöй мандатъяс вежöм вылö, оз сет позянлун бöрйысян öтувлөн уполномочитöм коллегиальнöй пыр уджалысь юрнуöдысь органлы аснаукөн вешйыны прöст депутатскöй мандат серти уджалöм вылö кандидатурасö вöзьян урчитöм дорвывлунуысь да оз сет позянлун примитны прöст депутатскöй мандатъяс сетöм йылысь помшүöмъяс, мыйясысь öткажитчисны пасйöм кандидатъяс, формальнöя индöм муртöсьяс вылö видзöдтöг, мыйяс йитöны пасйöм кандидатöс бöрйöмсö, кодлы сетöны прöст депутатскöй мандатсö, бöрйысысьяслысь кöсйöмъяс петкöдлан бöртасъяскöд.

Та дырйи вензяна нормалөн конструкцияын «мукöд» индан нимвежтасъяса кывтэчасөн вöдитчöм, мый роч кыв правилöяс серти «мöд» индан нимвежтаскöд öткодь вежöртаса, мыйөн вöдитчисны федеральнöй нормалөн конструкцияын («Россия Федерацияса гражданалөн бöрйысян инöдъяс да референдумын участвуйтöм вылö инöд серти медшöр гарантияс йылысь» 2002 во 06.12 лунся 67-ФЗ №-а Федеральнöй оланпаслөн 71 статьяса 15 пункт), оз веж тайö вензяна нормалысь вежöртассö, мый сетö позянлун - Россия Федерацияса Оланподув Ёрдлысь инöд боксянь вайöдöм видзöдласъяссö тöд вылö босьтöмөн – бöрйысян öтувлөн уполномочитöм коллегиальнöй пыр уджалысь юрнуöдысь органлы кандидатура серти помшүöмсö примитигөн, кодöс вöзйöны прöст депутатскöй мандат серти уджалöм вылö, сöмын торъя лöмторъяс вöсна вешйыны прöст депутатскöй мандат серти уджалöм вылö кандидатурасö вöзьян урчитöм дорвывлунуысь.

Таысь кындзи, кадысь водз мунöм депутатъяслөн мандатъяс серти уджалöм вылö бöрйысян öтувьянь кандидатъяслөн списокуысь кандидатъясöс лэдзан пöрадок, кутшöмöс урчитöма вензяна нормативнöй инöда актъясөн (водзö – Пöрадок), мый серти бöрйысян öтувлөн уполномочитöм коллегиальнöй пыр уджалысь юрнуöдысь орган вермö индыны депутатлөн прöстмöм мандат серти уджалöм вылö кандидатöс, оз падмöд бöрйысян öтувьясыянь кандидатъяслөн списокъясысь кандидатъяслөн да асланыс бöрйысян öтувьяслөн интересъяслысь öтвесьталунсö.

Тайö пöрадокуыс лöсялö кандидатъяслы мандатъяс сетан пöрадококöд кандидатъяслөн списокын налөн места серти öтувья бöрйысьöмъяслөн бöртасъяс серти тайö списокөн босьтöм мандатъяссö медводдза юклігөн да лöсялана бöрйысян комиссияөн кадысь водз мунöм депутатлысь мандат вежигөн сэк, кор бöрйысян öтув оз вöч тайöс оланпасөн урчитöм кадколастö.

Бöрйысян öтувлөн уполномочитöм коллегиальнöй пыр уджалысь юрнуöдысь орган вермö вöзйыны кадысь водз мунöм депутатлысь мандатсö сетны кандидатъяслөн списокуысь оз быд кандидатлы, а сöмын кандидатъяслөн сійö мутас группаö (списоклөн ставреспубликаса юкөнö) пырысь кандидатъяс пиысь öтилы, кытчö вöлі пырö мунöм депутатыс.

Татшом ладмөдөмыс колө сы вылө, медым могмөдны мутас петкөдланінса депутатъяслысь, кодьясөс бөрйөма лөсялана бөрйысян өтувсянь, бөрйысьысьяслөн интересъясын преемственносътсө. Та дырйи, кадысь водз мунөм депутатлөн мандат серти уджалөм йылысь юалөмсө решитігөн бөрйысян өтувлөн уполномочитөм орган серти оз кут мунны оланподувса урчитөмторъяслы паныд и оланпастэчас отсөгөн индөм дзескөдөмсө бырөдөмыс.

Граждана сетөны сөгласлун сы вылө, медым участвуйтны лөсялана бөрйысян өтувсянь кандидатъяслөн списокын кандидатъясөн бөрйысьөмъясын оланпастэчас серти найөс нуөдан условияс вылын, сы лыдын, сідзкө, найө сөгласөсь и кадысь водз мунөм депутатъяслөн мандатъяс серти уджалан оланпастэчас пөрадоккөд.

Татшом ногөн, оланпаслысь вылынджык вайөдөм нормаяссө, Россия Федерацияса Оланподув Ёрдлысь инөд боксянь видзөдласъяссө төд вылө босьтөмөн ёрд воө кывкөртөдө, мый нормативной инөда актъяслысь вензяна юкөнъяссө примитөма уполномочитөм оланпас пыртысь органөн, кырымалөма колана чина мортөн формаө (сикасө), примитанногө, вынсялан правилөясө, сы лыдын публикуйтан да вынсялан пөрадокө, кутчысьөмөн, да оз мунны оланпастэчаслы паныд, мый ладмөдө вензяна инөда йитөдъяссө, мыйлөн юридической выныс ыджыдджык, оз торкавны административной истецлысь инөдъяссө да оланпас серти интересъяссө, мый вөсна Россия Федерацияса административной судопроизводство кодексын 215 статьялөн 2 юкөнса 2 пункт серти индөм административной искөвой корөмъяс могмөдөмын колө өткажитны.

Россия Федерацияса административной судопроизводство кодекслөн 215 статьяын 4 юкөнлөн 2 пунктса корөмъяссө төд вылө босьтөмөн тайө помшуөм примитөм йылысь юөрсө ёрдлөн помшуөм оланпас серти вынсялан лунсянь өти төлысь чөжөн колө йөзөдны «Коми Республикаса канму власьт органъяслөн индөд-тшөктөмъяс» изданиеын да <http://www.law.rkomi.ru> «Коми Республикаса канму власьт органъясөн примитөм инөда актъяс, мукөд официальной юөр лыддьөг» сетевой изданиеын, көні нормативной инөда актъяссө вөлі йөзөдлөма водзджык.

Россия Федерацияса административной судопроизводство кодекслөн 175-180, 215 статьяяс вылө мыджсьөмөн ёрд

шуис:

«Коми Республикаын бөрйысьөмъяс да референдумъяс йылысь» Коми Республикаса Оланпасө вежсьөмъяс пыртөм йылысь» 2016 во вөльгым төлысь 29 лунся 120-РЗ №-а Коми Республикаса Оланпасын 1 статьяса 5

юкӧн да 2 статья примитан кадсянь, 2016 вося вӧльгым тӧлысь 29 лунсянь «Коми Республикаын бӧрйысьӧмъяс да референдумъяс йылысь» 2010 во кӧч тӧлысь 27 лунся 88-РЗ №-а Коми Республикаса Оланпаслӧн 88 статьяса 1 юкӧн (2016 во вӧльгым тӧлысь 29 лунся 120-РЗ №-а Коми Республикаса Оланпаслӧн редакцияын) вынтӧмӧн лыддьӧм йылысь, выль нормативнӧй инӧда акт быть примитны кывкутана мог сетӧм йылысь Виктор Викторович Воробьёвлысь административнӧй искӧвӧй шыӧдчӧмсӧ могмӧдӧмын ӧткажитны.

Ёрдлысь тайӧ помшуӧм примитӧм йылысь юӧрсӧ ёрдлӧн помшуӧм оланпас серти вынсялан лунсянь ӧти тӧлысь чӧжӧн колӧ йӧзӧдны «Коми Республикаса канму власьт органъяслӧн индӧд-тшӧктӧмъяс» изданиеын да <http://www.law.rkomi.ru> «Коми Республикаса канму власьт органъясӧн примитӧм инӧда актъяс, мукӧд официальной юӧр лыддьӧг» сетевӧй изданиеын, кӧнӧ нормативнӧй инӧда актъяссӧ вӧлӧ йӧзӧдлӧма водзджык.

Помшуӧмсӧ позьӧ апелляцияннӧй пӧрадокын обжалуйтны ӧтувья юрисдикция Мӧд апелляцияннӧй ёрдӧ Коми Республикаса Медвылыс Ёрд пыр сийӧс бӧрья формаын примитан лунсянь тӧлысь чӧжӧн.

Ёрдысь - А.В. Кондратюк

Бӧрья формаын помшуӧмсӧ дасьтӧма 2020 вося ӧшым тӧлысь 28 лунӧ.

.Ёрдысь - А.В. Кондратюк

Копияыс стӧч: ёрдысь - А.В. Кондратюк